

## La scuntintizza di lu scogliu.

Lu scogliu 'nni lu mari sempri ammueddru,  
stuffu di stari sempre in miezzu all'acqua,  
disidirusu era di stari tanticchia 'nni l'asciuttu  
e Diu priava di putirlu accuntintari?

"Io staiu sempri cà, tutti li jorna,  
'n miezzu a lu mari calmu, agitatu, sbattutu di lu vientu,  
ma pirchè, Diu miu, quietu nun puezzu stari?  
haiu quarchicosa di farimi pirdunurari?  
Lu ma desideriu è stari tanticchia 'nni la terra,  
nun è ca di casa mi putissitu cangiari?"

Lu Patri Eternu accussì ci arrispunni:

" Ma pirchè miezzu a lu mari nun ti piaci stari?  
tu nun sà quantu sì privilegiatu.  
Li cosi ca tu vidi, nun tutti li puennu ammirari,  
ti pari nenti, l'alba, quannu lu suli 'n cielu si n'acchiana,  
a picca a picca 'llumina lu munnu,  
grapi tutti li finestri e l'uecchi tutti quanti brillanu,  
tu di cà, stu spittaculu mieglu po' taliari.  
la stessa cosa succedi quannu sinni scinni,  
ha vistu lu suli, quannu tramunta quanti riflessi ni lu mari fa?"

Raggi d'oru, d'argentu, luminusi, cosi priziusi nun lu sa?  
E a li stiddri nun ci piensi? Quantu su meravigliusi!  
Decoranu lu cielu 'nni la sira.  
Chi meraviglia vidirli luccicari.  
Fannu 'nna famiglia 'cu la luna,  
ca cuemu nà mamma attenta, sorridenti li talia  
e primurusa li pruteggi ad una ad una.  
L'ondi rumurusi, tanti cosi si trascinano  
rizzi, granci, alghi, conchigli, pateddri,  
sbattiennu, riparu cercanu 'ncuntrannu a tia,  
e anche quarchi pisciteddru cumpagnia ti fa.  
Avanti dillu can un ti po' lamintari,  
nun pienzi 'nni la 'stati a li turisti?  
Tutti t'ammiranu e ti stannu a taliari  
e cuntenti cu tia si fannu 'mmurtalari.  
Nun è 'nna cosa chissa ca ti fa piaciri?  
Veru è ca nun tuttu bellu è chiddru ca vidi,  
po' ammirari lu cielu 'lluminatu di li lampi,  
nuvuli bianchi, grigi, nivuri, minacciusi,  
lu mari agitatu di lu vientu,  
sì su cosi veramenti spavintusi,  
ma chi vò fari è la natura e nun si po' cangiari.  
Veru è, cà iu criavu tuttu chissu, ma chi ti puezzu diri  
pinsavu di essiri 'nni lu giustu,  
mi vò diri ca sbagliavu quarchicosa?  
Forsi è veru, ma ormai chi puezzu fari?

Certu nun era mia 'ntenzioni pinsarivi 'ngustiati,  
ma anchi vuantri nun mi fustivu d'aiutu,  
sempri a circari chiddru d'antru aviri  
e mai pinsari campari accuntintati.  
Sempri essiri diversi desideriu aviti,  
pirchì nun pruvati ad accettari,  
chiddru cà iu di vuantri vulia fari?  
Quannu a ddri tempi criavu l'universu,  
tutti vi misi a lu puestu giustu,  
iu nun mi pientu di aviri fattu tuttu chissu.  
Però lu dicu, a stuffari mi staiu pi 'ncuminciari.  
Tutti quanti 'mmidiusi, scuntenti,  
guditivi la vostra vita, siti armuniusi,  
prima ca mi siddriu e distruggiu tutti cosi!"

Lu scogliu a sti paroli si scantà,  
'n tuertu si sintia e a Diu chidiennu scusa,  
di ddru jernu, cchiù nun si lamintà.

22/05/08

Benedetta!

Pagina principale: <http://www.solfano.it>

